



Est-ce k' on pou aprinde ène sakwè avou lès sondaedjes ? D'après on dès dêrins, è l' Waloniye, i gn'a 75 au cint ki n' voyenut dimwin k'bén au tchaud dins l' choû del Bèljike. Noûf au cint s' vèrîne mia ralachî à l' France èt SÈT au cint au Grand Duchî d' Luksimborg. Po c'ki sèrève di djouwer tot seû come dès grands, i gn'arève à pwinne ki 3,5 au cint !! Alèz, i dimère co ène boune trote...

Pus pont d' oûs, d' pouyons, d' cokias... nos v'la à lès moûre po n' fé k'dèl farène à brûler dins lès fornias à cimint... Kèsse ki dimère come nokètes di pèsse dins lès crotèreyes èt l' bigaudrèyes dès cinses-usines ?

Cinike ? Dîre k'si lès Françès avîne tûzé ène miète i duvrîne nèn awè ostant d' disbauchaedjes dins leû industrèye dès ârmes. GIAT arève yeu dès bèlès novèlès comandès. Minme ki l' FN à Lîdje, l vos faut *né pali* po ça, savèz...

Tinèz, Trâpicania, li, n' a pont d' rankeune. l va dovièt ène usine d' èbalaedje à Zeebrugge. Ptète ki nosse Bouxheu n' sait nèn k'c'èst **co** è l' Bèljike ?

l gn'a dès cayèts k'on a deur à comprinde. Flip Deféit a prèsinté on studiaedje do GRIP (groe di ranchaedje èt d' informaedjes dsus l' PAIX èyèt l' *sécurité*) ki mostère ki l' martchi dès ârmes *aujîyes à pwartersi* pwate wêre bèn. Discrèxhance è l' Urope do mitan dès vintes dispû 1990. D' après nosse Èkolo, l' mia sèrève d'acopler l' FN d' Hèsta à l' almand HèKlèr èt Koche, o minme l' italyin Bèrèta, po n' nèn s'lèyî dispasser èt controler pa lès rikins. "*S'mète èxhone va dner ène boune Uropèyine vûwe dès ârmumints dès démocratikès payis èt d' awè sogne dès riskèyes d' prolifèraedjes*", a dit nos vète ome. Oyi-da, l' tot èst d' fabriker mins, kand i s' faut mète à vinde èt ki faut rèlîre l' chalandîje...

l s'faut bèn tinu au corant d' tot. l gn'a sakants samwinnes, on apurdève, dins l' Picron d' Mostike, ki s' acopler c' èst mète di costé dès vitamènes bounes po l' santé èt k' po ça i vos faut ataker l' sèkse di front (nèn è

robète, ènn'don) èt avou siyince. Ène boune carèsse vos fait piède 14 calorèyes, on aspouyi èt bèn profond bètch, li, costèye 26 calorèyes, come on bia èrotike dismoussaedje. l n' vos faut nèn vos fé dès idèyes, tchoukî n' fait nèn suwer d' pus di 27 calorèyes mins, ni fé ki xhènance ça è distrû 160. Come kwè, i gn'a lontimps k' lès feumes (l' vosse ?) avîne compurdu...

Parèt minme k'ène pitite touche vos distrind èt fé dwarmu paujhèrmint. Pu rade ki d' fé ètinde deur ça rindrève capâbe di mia coru èt d' gangnî dès copes...

On s' console come on l' pout, dijève dèdja Wête-a-Ti Ki l' Tchén-T-Agne.

